

十一朝東華錄



◎

中國言實出版社







十一朝東華錄



⑨

中國言實出版社



番犯罪名摺片著仍交該部於全案釐定時另行奏明兩旨辦理○諭軍機大臣等薩迎阿奏遵旨查明琦善被參各款一摺據稱琦善辦理黑城撤拉回子及黃喀窪番賊尙非無故興師惟將雅沙番族殺斃多名實係妄加誅戮邊疆地方蒙番雜處搶掠之案層見疊出查擊懲辦固不可使有屈抑亦不可稍示寬縱薩迎阿查辦此案於該處情形操縱緩急自必確有定見琦善既已獲咎蒙古郡王所遞訴詞業經爲之剖白薩迎阿見署總督卽將蒙古番民日久相安章程悉心酌覈奏明妥辦不可因此案琦善辦理過當轉開姑息養奸之漸其見訊之通事千總馬國把總包福供吐不實並供詞狡展之把總康潤均著革職嚴行審訊並將見經訊明之雅沙番子等如何安置之處一併妥議奏聞前交查各案亦著逐款查明分別具奏再琦善前次保奏勦辦番回出力各員雍沙之案業已錯謬自不能再邀鼓勵琦善原摺單片均著鈔給閱看其中僅有一二員於另案出力者亦卽覈實具奏毋任冒濫將此諭令知之○以薩迎阿督署陝甘總督由正白旗滿州都統署○乙巳諭內閣周天爵自上年派赴廣西辦理軍務歷次署理巡撫秉性忠直不辭勞勩朕素所嘉尙念其年近八旬久居瘴癘之鄉朕心時深眷注見在襄尙阿已將抵粵軍營事務統率有人鄒鳴鶴計日亦可抵任周天爵著於交卸巡撫篆務後卽行來京○諭軍機大臣等本日據徐廣縉奏接烏蘭泰來函確知軍營實情等語周天爵先經飭回省城督署巡撫見計鄒鳴鶴到粵已降旨令周天爵於卸事後卽行來京家州大營軍務責成烏蘭泰尙榮二人節制管轄無所掣肘自當安速辦理見在續調大兵節次到營兵力既厚烏蘭泰平日精於教練朕所素知卽應相機進攻分投堵截以期一鼓勦滅羣醜提督尙榮初到粵西屢獲勝仗豈不能辦賊之人若云統帥牽制不能自行已意此時周天爵已令來京襄尙阿卽日行抵軍營事權歸一復何能藉詞推諉見在黔兵已挫賊鋒著卽與烏蘭泰嚴督各路鎮將並鈐束驕悍兵丁力蓋前愆以圖後效若再游移觀望坐失事機責有攸歸朕不能爲爾寬也至投誠賊目如張劍張國樑黃錦泗等既已殺賊立功原可予以自新其前曾攻城狀官見聞大兵雲集窺迫詐降反覆之徒必應加意防察萬勿輕信招納致墮奸計而忘軍心襄尙阿到軍營後其各恪聽節制奮勉立功以慰朕念懷之愼之將此由五百里諭令知之○諭徐廣縉葉名琛奏堵剿各匪疊獲勝仗並陳奏廣西軍務情形各摺片又奏高廉各屬勦捕事宜未便違易生手一摺高廉各股匪徒見尙未經殲滅自應趁此聲威力圖兜剿以淨根株宗元醇督辦一切既能權衡應變不誤機宜著卽督雷廣東會同在事文武合力堵剿其高州府屬安鷺嶺等處賊匪昨已有旨寄諭迅籌勦辦見據奏稱已飭總兵楊昌泗速回高郡務令趕緊撲滅勿致蔓延該省各股匪徒肅清卽著陶煜文遵照前旨前往廣西會剿宗元醇曾任廣西知府於該省情形熟悉並著該員會同陶煜文前往辦理統俟兩省軍務告竣再令宗元醇來京供職所有廣西軍餉仍著該督權其緩急通盤籌畫爲要將此由五百里諭令知之○諭據徐廣縉奏堵剿賀縣竄回股匪疊獲勝仗及高廉各屬勦辦喫緊並論廣西軍務情形各摺片已分別降旨寄諭矣周天爵忠直有餘馭軍乏術朕恐其不得軍心該大臣到粵後或致掣肘於大局甚有關繫見已飭令來京毋庸仍留該省計鄒鳴鶴已接巡撫印務省城防堵及通省團練守禦各事卽飭鄒鳴

鶴督同藩司勞崇光及新授臬司姚堂辦理已革右江鎮總兵惠慶據徐廣縉奏稱功多過少賊匪黃大一股實係惠慶督兵擒拿
 斃賊甚眾是否李星沅周天爵參劾過當另有別情著即確切查明據實覆奏周天爵已令來京軍營一切調度皆該大臣專責其
 在事文武各員人材不乏足供器使賽尙阿忠誠罄達朕所深知必能鎮服羣情樂為驅策於推心置腹之中仍寓沈機默運之力
 庶得人任事賞罰嚴明蠢茲醜類諒可剋期蕩平也勉之望之諭旨並各摺片均著鈔給閱看將此由五百里諭令知之○命戶部
 尙書裕誠協辦大學士○以周祖培為刑部尙書王植為刑部左侍郎將文慶為安徽巡撫李本仁為安徽布政使調張熙牛為安
 徽按察使吳鼎昌為甘肅按察使以姚瑩為廣西按察使由湖北○調裕泰為陝甘總督以季芝昌為閩浙總督朱鳳標為左都御史
 史王慶雲為戶部左侍郎由禮部○丁未諭內閣糧船各幫水手獷悍性成往往尋讎鬥毆甚至戕害人命道光十四年曾欽奉 諭
 旨嚴飭查辦隨時整頓屢經嚴加懲創而積習相沿警不畏法見據頗以煥奏鎮江後幫漕船行至稟林湖地方該幫後所水手聚
 集多人與前所水手挾嫌械鬥致斃多命經官兵捕役往拿尙敢拒捕傷人不法已極漕船行走運河警運員并有約束水手之責
 豈容任聽恃眾執法沿途滋事蓄揚毆邦即速查明失察之該管員并分別嚴參仍責成各省糧道嚴飭各幫押運之委員幫舟等
 於所屬水手嚴加彈壓一路督押過行不准片刻停雷擺泊致生事端並著沿途各督撫遴派文武各員分段巡查遇有水手滋事
 立即嚴拿究辦此案見獲各犯著交陳慶偕親提嚴訊並緝拿逸犯務獲歸案從重懲辦毋任一名漏網以肅漕政而儆兇頑○諭
 張亮基奏遵議保甲章程及嚴拿燒香結盟匪徒一摺據奏滇省界連川黔粵西等省各州縣村寨以外多有廠地砂丁人等五方
 雜處引類招朋而臨安開化廣南永昌廣西各府州屬兼有夷人沙人儂人等獷悍性成聚眾滋擾擬於城廂內外並各村寨責成
 鄉保廉丁舖戶責成各長土司所屬及沙儂夷人皆責成頭目各將所管界址門戶立簿按月稟送該管官認真稽查如有結盟為
 匪等事立即指拿各等語所議向屬周妥惟言之非艱行之惟艱若徒議立章程不能實力通辦或任令吏胥徇庇甚至藉端騷擾
 致使良法美意日久視為具文是除弊而轉以滋弊著該督撫督飭地方官即按照見定章程認真辦理其燒香結拜等匪一經查
 獲立即從嚴懲辦勿令釀成巨案○己酉夏至祭 地於 方澤○以王懿德為福建巡撫調吳式芬為陝西布政使以呂佐孫為
 貴州布政使蘇敬衡為四川按察使前福建○庚戌諭內閣戶部奏請停工程等語道光二十年曾奉 諭旨一切工程暫行停止
 十餘年來中外臣工自當欽遵辦理第恐閱時既久工作漸增又滋浮濫之弊著仍欽遵 聖訓凡京外各衙門除 壇 廟緊要
 工程仍隨時興修外其餘一切工程均著暫行停止以示限制○辛亥 上御箭亭閱大員子弟步射○周天爵勞崇光向榮奏溫
 大貨五由懷集竄廣甯各文武跟蹤追剿另有股匪四百餘人由廣甯周分岡竄懷集縣屬南坪村距詩洞二十餘里賀縣縣丞任
 光祖帶福勇四百名在彼防守經署懷集縣知縣李蒼飛諭團練與任光祖會剿千總楊鶴超等管帶兵壯二百名馳往詩洞分途
 堵截十二日由詩洞往南坪迎面擱擊該匪屢發未完兵練直前衝撲斃賊百餘查有廣東德慶州匪首葉亞十李亞藝二人亦被

粵饒匪仍由廣甯及德慶州界竄去又奏宣化縣地方有分股賊匪竄入即帶兵壯勦捕該匪由宣化縣購賊匪金陵城至那龍村離南甯府城百三十里署南甯府知府鄒輝杰於四月初九日趕至離那龍村四十里該匪分股奪船渡河擄掠十三日該署府密令投誠之張家祥更名張國樑者帶勇往擊轟斃多名十四日張國樑率勇坐快艇由小河潛赴村左另派數十人沿河接應該匪等出拒放礮擊傷壯勇數人張國樑已至村左槍礮轟擊村內房屋瓦片紛墜賊匪堅匿在內次日派勇攜帶火礮繞村後攀登山竄由高擲下餘仍水陸分進前後夾攻十五日該匪逃往思恩府武緣縣地方被官軍攔住該署府尾追兵至斃賊百餘因山嶺險峻恐有埋伏遂即紮住旋聞顏品瑤有竄廣西之信該署府仍回南甯仍飭令督率壯勇會合圍捕不得因匪已出境稍存玩視見在會匪竄踞象州中坪一帶數十村莊五月初八初九等日兵勇列營進逼賊縮歸新寨依山之地其欲逃入舊巢無疑茲飭四面進兵設即逃散亦必歸羅涿峒殲滅止在旬月間此時西南一帶縱有零星亦必剿盡此股方能再滅凌十八劉八溫大賀五等匪至太平思甯有賊之處德惠兩鎮多係分派將弁追剿不能得力惟賴張國樑及各鄉勇東西奔馳力圖掃蕩又奏博白劉八股匪前經擊敗追至距香山二十餘里之樟嘉村四月十三日攻進香山該匪竄東館墟分住竹根坡十四日壯練攻進竹根坡該匪退踞東館墟知府游長齡等偕近賊巢飭壯勇督同投誠之黃錦泗等分隊進逼黃錦泗率隊先入賊巢被賊二十餘人劉八胞弟劉九亦被斃斃賊仍踞東館墟我軍回屯竹根坡十七日該府紮營樟嘉村後潮州兵勇到後再行合剿又奏前奉旨飭查左江鎮總兵德亮是否得力查德亮見在太平府屬奮勤學次殲賊多名是該鎮於勦捕賊匪尚能表率 上諭內閣周天爵勞崇光向榮奏勦捕懷集南坪賊匪一摺另片奏追剿劉八股匪及進剿會匪凌十八等各情形此次勦捕南坪另股賊匪雖獲勝仗惟溫大賀五何名科等皆著名兇賊已由懷集竄回廣甯近據徐廣縉等奏報勦辦廣甯賊匪亦未將首逆殲擒若非東西兩省合力痛剿不特粵域何以迅掃賊氛至劉八凌十八等兩股賊匪奔竄兩粵交界地方雖屢經擊散旋復嘯聚總因兩省帶兵各員不能併力兜圍以致此孽彼竄良民受其蹂躪遺其裹脅何時還定安集朕心實深焦念見在賽尙阿業已馳抵軍營著即嚴飭在事文武激勵兵勇迅速殲擒並著徐廣縉某名孫督飭帶兵大員於肇慶高廉各屬交界處所一體會勦務使著名兇匪悉數就擒該文武等有推諉退縮等情即著據實嚴參朕必執法從事斷不能稍為寬宥也○諭軍機大臣等粵西一省羣盜如毛必須大兵會合兜剿方能淨絕根株惟用兵之道謀定後動此時賊匪自以竄踞象州之會匪為最大一股其凌十八劉八溫大賀五等股奔竄兩粵交界地方此孽彼竄蔓延日久疊據兩省奏報均不免互相推諉所謂師克在和者安在耶賽尙阿計已馳抵軍營番度地勢人材全局在胸見在勦辦當以何股為先何股為次或合兵一處聚而殲辦或分兵協剿同時並舉務當權其輕重緩急相機布置各股著名賊首擒獲甚少必應殲厥渠魁乃可散其黨與先期後撫庶無後患其應如何運籌決勝朕亦不為遙制見踞象州中坪一帶匪徒勢已窮蹙思慮是否仍歸羅涿峒舊巢正可乘機設誘設伏截其奔竄之路以冀一鼓殲擒至凌十八劉八等股竄回化州會匪徒

處經西省文武兵練跟蹤追剿何以東省全無接應著即飛飭廣東文武於交界處所合力圍捕毋令坐失事機至竄入懷集縣之賊匪既經該署縣李萱約會湖南官兵合擊何以帶兵遊擊韓世禧忽然捲旆而返是否恣意刁難抑係聞賊逼近有心退縮著一併查明嚴參又據周天爵等片奏查明左江鎮總兵德亮疊次殲擒賊匪尙能表率等語著仍遵前旨與惠慶一併確查具奏周天爵等此次大摺內何以烏蘭泰並未列銜殊不可解軍營情形竟不與聞耶朕覽廣西前後奏到各摺所陳情形未見惠遠無序賞罰恐難平允是以諭令周天爵來京茲據鄂鳴鶴奏報五月內可於全州接印任事賽尚阿抵軍營後定能相助爲理沈靜致遠謀勇兼施諒該大臣必能契合朕心迅奏偉績也周天爵所謂文武各官及紳士兵勇人等著留心察看斟酌用之周天爵等摺片均著鈔給閱看將此由五百里諭知賽尚阿並諭令巴清德達洪阿烏蘭泰鄂鳴鶴向榮知之○壬子諭內閣陸建瀛奏審辦販私人犯請飭由運司勘詳等語淮南離務新章初定緝私最爲緊要揚州府屬地方私梟出沒各州縣擊獲人犯往往因距省較遠諱飾消弭致梟徒罔知懲懼當此整頓鹽務之時自應酌量變通冀收實效嗣後揚州府屬八州縣鹽犯問擬軍流以上罪名者著由該府徑解鹽運司勘詳該督分別嚴辦其罪僅擬徒者著由臬司會同運司覈轉如有夥梟拒捕殺傷重犯仍著該督提首審辦總期有犯必懲毋任倖脫以儆梟頑而肅離政○命工部右侍郎彭慈章在軍機大臣上行走○癸丑諭軍機大臣等前任太常寺卿唐鑑奏廣西用兵請飭設立民堡收恤難民一摺粵匪未靖疊經言事者以整頓清野土陳並據大學士卓秉恬錄呈龔景瀚三藏周天爵亦曾奏及保甲衛民之法均降旨令該大臣體察情形飭令地方官籌辦唐鑑曾任廣西知府於該省情形熟悉所論尤爲親切期匪以安民爲亟若民有險可守自不至被賊裹脅民氣益固則賊勢益孤孤剿辦更易得力鄂鳴鶴新任巡撫地方是其事實見已諭令督率司道實力辦理即需費一二十萬亦非所惜想該大臣與該撫必能善體朕意妥爲經畫也原摺鈔給閱看將此由四百里諭令賽尚阿知之○諭廣西賊匪肆行節經降旨飭令通省居民舉行團練互相保衛並寄發大學士卓秉恬錄進龔景瀚所著整頓清野各議周天爵亦曾奏及保甲等法茲復據前任太常寺唐鑑奏陳設立民堡收恤難民二條該員曾任廣西知府熟悉該省情形所論頗爲親切著鄂鳴鶴按照摺內所擬設堡事宜酌量地勢與賊近遠如當賊之衝及嘗被蹂躪等處尤宜妥速辦理善用法參酌時宜督同藩司勞崇光臬司姚瑩責成各道府剴諭紳士人等分投妥辦不可有名無實尤不可稍涉擾累至收恤難民酌給口糧勿使流而從賊最爲目前要務果能嚴飭所屬實力遵行辦理經費需用一二十萬兩爲吾民謀久安之計朕亦何所靳情總期民氣益固賊黨自孤眾志成城小醜無難撲滅即將來善後規模亦不外是矣原摺著鈔給閱看將此諭知鄂鳴鶴並傳諭勞崇光姚瑩知之○甲寅諭內閣訥爾經額奏遵查河道堤險並籌議辦理一摺天津府靜海縣屬西鄉泊水以引河爲去路自嘉慶年間勘明挑挖具有成案自應仍照舊章導水入子牙正河使西鄉不至被淹北鄉各村亦無虞波及其蓮花淀南土壘既於河道無礙且非近年私築即無庸平毀以符舊制著照所請章程嗣後修隄挑河及啟閉各事宜責成獨流鎮巡檢就近管理由

解海縣稽查督辦以海水患而息訟端○諭戶部議覆裕泰等奏開商勾代課銀不准停徵並帶輸銀兩准其酌展一半已依議行矣另片奏閩省商疲引滯請飭該督撫另議章程實力整頓等語各省鹽務滯銷固由銀價昂貴亦因緝私不力浮費不裁以致商力疲困閩省商疲之弊與河東同而閩省情形尤甚該督撫等既稱商疲引滯力保全網即應窮其致弊之源急圖挽救乃僅請停減例課而於緝私裁費之緊要關鍵並未議及雖復請停請減徒使帑項無著竟於大局何裨從前雲南課歸并處至今暢銷准北改行票鹽之後變滯為暢近來淮南仿照辦理亦有成效可見積弊雖深得人則理若但為乞恩之請不籌窮變通久之方年復一年何所底止著新任閩浙總督李芝昌福建巡撫王懿德於到任後察看情形悉心講求通盤籌畫其應如何除弊興利變通整飭之處妥議章程據實具奏○乙卯 上詣 大高殿祈雨○諭內閣薩迎阿奏審明通事誘偏供詞並通事洪出承審各員非刑偏供及司道誘供故入人罪各情一摺並分別定擬開單請旨所有擬請革職發往新疆之甘肅署蘭州府慶陽府知府步際桐候補知府桂昌署靜甯州知州趙桂芳候補知縣姜熊平羅縣知縣蘇評遠縣知縣李志學署平涼縣知縣劉元績署碾伯縣知縣尹泗調任鎮道西甯道文桂涼州俄事嶺遊擊冷慶東擬請革職發往軍臺之署按察使前任鞏秦階道朱其鎮均著即行革職交該署督派員解交刑部朱其鎮見經告病如已啟程回籍著咨行沿途各督撫派員解京其擬請革職發往新疆之調任河南布政使甘肅布政使張集馨著革職交潘鐸派員解交刑部一併歸案質訊嚴議具奏並著該署督將案內已革通事馬圖也福康瀾及兵丁馬仲元林治康伏元通丁馬明春蘇祿馬得成王廷美一併押解刑部質訊將所擬罪名覆覈辦理所請嚴議處之前署督標中軍副將見題補平羅營參將珠克登西甯北川營都司石長興肅州安西營都司辛殿甲西甯鎮標右營千總趙國棟象海營千總米兆魁丹噶爾同知彭衍堂西甯府知府鈐祥均著刑部於定案時分別覈擬請旨至訊係無辜奏請省釋之番族洛尕等十七名善刑部定案時奏明辦理○諭軍機大臣等薩迎阿奏審擬通事誘偏供詞並分別議擬非刑偏供之承審各員及誘供之司道開單呈覽已明降諭旨將張集馨等先行革職同通事馬圖等解送刑部歸案覈辦矣另片奏覆查辦善原奏各條披覽均悉惟已革葉古章京格高先經琦善奏革頂翎嚴審追定案摺內並未聲敘見向留省監禁雖查與雍沙番案無涉其與柯柯烏蘇賊匪送信一節是否恃無實證狡飾不承仍著薩迎阿確切查明辦理前次文查各件著一併確查具奏將此諭令知之○浙江巡撫常大造奏於甯波府城四門分設義學督同道府恭將 欽定四言韻文頒發各學報可○是月展緩廣東佛岡三廳縣及肇慶高州廉州三府所屬州縣上年未完額賦編免奉天遼陽等九廳州縣節年欠應徵銀米並兵丁站丁借支口糧

六月丙辰朔諭內閣據兵部奏參衛弁失察水手滋事愚不學漕督並不據實嚴參一摺上年長淮四等兩糧船水手王大漢等糾眾訛索旗丁偏給酒子並個令空運千總王振彪蓋用鈐記復將運千總惠慶堯肆行辱罵該千總等於水手種種不法不即嚴拿懲辦畏蕙無能各等語得該漕督何得因其會同獲犯遽請免議惠慶堯王振彪均著革職以示懲儆清運總督楊殿邦著交

五二二

部議處○周天爵烏蘭泰向榮妻匪踞象州中坪百丈新寨一帶鉛彈稀少至有用銅錢者臣等往返籌商惟列營徐進備使賊不能乘隙竄出而倚角之勢成臣烏蘭泰統帶貴州鎮遠鎮古州鎮威甯鎮三營官兵共四千名於五月初八日自羅秀前進至獨臂山南梁山村駐紮距中坪四五里許臣榮是日由桐木至界嶺駐紮扼守中坪之東總兵經文岱與知府張敬修由林村至寺村駐紮皆不出十里內外各營隨帶兵練環峙其旁初九日賊於東南山頭聚集四五百人搖旗出隊其後布滿山谷有賊數千直逼烏蘭泰三鎮大營而各處營盤尙未整齊不能救援臣烏蘭泰當即派隊分路轟擊斃賊多名該匪敗退初十日據探報有賊數千渡河直撲威甯鎮營盤臣烏蘭泰督兵排隊出營該匪分十數股約四五百人礮子如雨臣烏蘭泰嚴飭官兵仍舊站隊一面督兵施放大礮火箭打中賊巢望樓賊向下走我兵分投迎擊臣烏蘭泰督兵奮勇攻殺將西南山頭賊擊敗復由獨臂山脚過橋直撲賊隊自寅至巳戰至四時之久將匪隊全行擊散惟西南山頭有賊數十參將馬善寶等率眾大呼策馬竟渡止之不及逾河里許該匪已敗者忽然站住西南山谷間突出數百人橫攔路馬善寶等陣亡臣烏蘭泰催眾力救將賊擊退俟厚集大兵再圍壩塹又奏初十日知府張敬修等由廟莊至寺村進剿斃騎馬僞中軍先鋒一名十一日臣天爵馳赴寺村會剿張敬修等已由橋東山口進兵時賊分三股來拒該員等亦分三路攻擊斃匪百數十人十二日張敬修等由寺村進東之長烈嶺分投進剿賊自東南來奮催福勇迎擊賊又分兩股布滿山嶺於是福勇及張劍之勇先行接仗東勇繼之開礮迎擊賊墜下崖谷間已而西股賊匪沿山來者英勇一見大呼輒走東瀾西瀾之伏賊遙擁而至官軍短兵相接殺斃數十人始行敗去又有股匪從後繞至經文岱張敬修大戰良久賊眾散走殺斃二百餘惟儘西面一股英勇無故喊走鎖道目睹此狀知英勇隊中必有賊匪隨傳令整隊而下追兵勇自東來兜圍匪不能支又斃三百餘名見在晝夜規畫仍待新兵大集再行備進臣上諭逆匪竄踞象州經烏蘭泰督兵攻剿大獲勝仗烏蘭泰調度有方殊堪嘉尚著交部從優議敘所有在事出力文武著實尚阿查明保奏候朕施恩其陣亡之貴州撫標中軍參將馬善寶鎮遠鎮遊擊博勒果布威甯鎮中軍遊擊劉定泰等雖因乘勝輕進究屬奮勇捐軀均著交部賜卹○諭軍機大臣等此次進剿英勇隊中顯有賊匪夥黨假名暗伏詭譎伎倆殊堪痛恨兩軍對壘不能不藉資壯勇以助兵力若謂盡屬可疑則防不勝防必難期其用命若謂概屬可信又恐墮其奸謀應如何密查嚴防俾爲我用不爲賊用之處務當於招募之初責成督帶之人悉心體察勿使奸徒涸跡方爲妥善將此由五百里諭知實尚阿並諭令巴清德達洪阿烏蘭泰周天爵都統向榮知之○調赫蘇達爲河南布政使以郭夢齡爲山西布政使沈兆漢爲河南按察使臣以攻剿金田獲勝賞總兵官經文岱等花翎餘升敘有差○丁巳雨○諭軍機大臣等實尚阿奏抵長沙統籌剿辦事宜一摺據稱粵西賊匪以象州爲最鉅此股勦捕得力各股自成破竹之勢並酌擬激勵鄉團解散舊從先行刊發告示及慎重糧餉等情所論均合機宜該大臣已馳抵軍營各省大兵亟集象州之賊固懸厚集兵勇大隊合圍迅速剿滅其南甯太平一帶及懷集存竄各匪亦應分派大員帶兵前往督剿覓在巴清

德達洪阿亦次第到粵各省鎮將足資調遣著該大臣審度地勢人材某處應派何路官兵何人管帶可期得力某處官兵應派何人接應務使聲勢聯絡凡賊巢險隘誘伏處所必須偵探的確庶可一鼓殲擒使各股賊匪不能互相救援方為萬全之策至糧臺之設尤關緊要該大臣籌畫情形與疊次諭旨正相符合即著選派兵嚴密保衛並分置各處俾利轉輸不可稍存大意朕觀高爾泰頗有謀略紀律向榮亦久歷戎行必能與巴清德達洪阿等助卿宣力同心共濟迅奏膚功也周天爵前已有旨諭命來京毋庸囑於江華防堵其所募皖勇二百名應如何分布管帶酌量辦理前調安徽兵一千名既屬羸弱又沿途不甚安靜恐難得力著隨時查察分營布置其統帶將弁不能約束即著查明參奏將此由四百里肅令知之○戊午諭內閣工部錢法堂奏請分撥銅斤以資鑄錢等語工部寶源局見存銅斤不敷鼓鑄在途各運疊經嚴催尚未據報抵何處自應先事豫籌著戶部錢法堂於業經提之湖北銅六十萬斤內撥交工部二十萬斤以資接濟其奏提未到之江蘇湖南存銅共四十四萬三千斤俟解到時亦著照向來滇銅定額分撥工部三分之一嗣後戶部如再提他省銅斤並著照此劃分辦理以昭平允○己未 上詣 大高殿謝雨○甲子 萬壽節免朝賀○丙寅烏蘭奏奏 臣 四月二十九日馳赴羅秀將奏定三所帶官兵挑選千名分給器械教以陣式傳示條規紀律以期殺賊立功威甯鎮重綸統帶兵一千名署古州鎮李瑞統帶八百名五月初九日接周天爵咨會檄各路官兵刻日圍剿初八日准向榮知會已由桐木進紮 臣 即會商李瑞並知會威甯管帶兵官佟攀梅等於初九日拔營逼近賊巢並選兵練千名整隊先進至獨盤山南梁山村一帶相度形勢其地一片平陽東臨大河河東中坪仁義等村俱在目前瞥見中坪村北第一山頭賊匪望樓有人搖旗 臣 即將大兵調過山南並令古州威甯二營兵各分六隊排列時由仁義村竄出賊匪三四十人被我兵用擡槍擊斃二名餘匪竄回其望樓下賊匪已聚集六七百人用大礮向我軍施放隨令旗營官兵開礮打中望樓賊即紛紛潰散因恐該匪狡狴全軍未敢遽撤至晚始整隊回營其威甯營紮在西邊山頭古州營在中間初十日有賊數千渡河而來 臣 令佟攀梅往前途迎敵大股賊匪已至橋南開礮我軍因得地勢由高臨下槍礮火箭齊發該匪前隊既斃後隊又進由稻田奔獨盤山西角直撲我營我兵用槍齊打該匪前隊倒斃後隊回奔 臣 見其勢已倒即令各伍整隊過橋追殺大獲全勝西南高山打礮之賊經威甯營轟擊潰散適有由山上逃下十數賊奔梁山山村經我兵擊斃僅贖七賊復奔上西山梁離威甯營不遠乃威甯礮兵因無長器械在手退回隊內賊見礮兵已退直撲威甯大隊之兵亦退回營盤賊乘勢追撲以致該營之兵全行棄營奔潰千兵不敵七賊實出情理之外其南山頭之賊亦即撲來用威甯營之礮直攻 臣 營 臣 入營防守見東南面似可保住即赴西北面照料適旗營兵並鎮遠兵大聲吶喊首先上山富珠隆阿帶威甯兵隨同擁上該匪棄營南竄我兵復奪回威甯營是日由實至午勝而誤敗而復勝轉戰四時之久共陣亡大小官十五員額外馬步兵丁二百四十二名廣州駐防旗兵七名受傷官兵四十四名 臣 布置不善營務可辭惟有請旨重治 臣 罪至威甯鎮官兵怯懦敗退該鎮重綸因病未在軍營其帶兵官署副將佟攀梅著參將慶祺等不能酌量

據實奏明請旨治罪又奏五月十一日向榮前軍移進都金嶺周天爵由寺村進得勝十二日復戰未利至曉兵勇俱退回象州其寺村一路俱空據周天爵信十二日寺村之戰英勇內有奸細呼眾先逃兵勇不能支持連夜回到象州屬臣察情形勢如獨龍山勢不可守即移紮羅秀防堵俟續調大兵到齊再行會剿因思圍剿之局已散獨龍距中坪甚近孤軍臨敵舉目皆賊其地可戰不可守故於十六日率兵回羅秀舊營向榮仍駐界嶺與羅秀相距六七里聲援相應再向榮久歷戎行勇敢有為屢著戰功惟此次統帶楚兵始而攻勦流匪屢捷因之或有大意又因向繼雄不知避嫌以致楚兵藉口因周天爵精神不及未能設法調度向榮知楚兵心離自挽無術故有諉卸之處然久歷戎行熟悉戰陣見在軍營鎮將各員均有不及向榮者竊尚阿到時必能激勵勸勉或更易其兵則向榮必知感奮仍可立功又奏向榮之子五品廕生向繼雄在營效力不能避嫌跡近干預又因向榮保伊子花翎致眾心不服楚兵藉端挾制是周天爵所奏向榮曲徇其子致失人心不為無因至周天爵札飭奏定三周鳳岐堵追接應該二人延不用命一節查賊匪在武宣東鄉奏定三周鳳岐共駐一營在東面堵禦與管帶東勇之見署右江道張敬修營盤相連四月十五日夜聞賊匪竄出未能堵禦十六日追賊至官橋打仗已勝因兵無鍋帳復回十七日又在二塘紮營未能尾追延不用命亦屬實情惟周天爵奏定三周鳳岐未參張敬修人心亦有不敷至統帶楚兵之副將博春和春係向榮隨營將官未對武宣以前聞本年三月初二日與賊打仗不利周天爵責奏定三不前後訪知奏定三並無退縮之處即言向榮推卸周天爵與向榮向榮與奏定三均似因之有隙周天爵為人居心本直惟性強耳輟精神不及其子周光岳從中干預致失人心上諭內閣此次我兵逼近賊巢奮勇勦殺逆匪已大受懲創雖小有挫衄究屬罪不掩功且烏蘭泰尙能轉敗為勝所請治罪之處著毋庸議其前經交部優敘亦著毋庸注銷烏蘭泰據實陳奏具見不欺若能迅速立功仍當加以懲賞惟管帶威甯鎮兵之署參將佟攀梅署參將慶祿始則屢屢迎敵延不出營迨賊匪撲營輒即退回致令全勝之後復有挫折實屬罪無可追佟攀梅慶祿著即革職學問交奏尚阿嚴訊定擬具奏此外失機之將弁兵丁等一併查明懲辦嗣後帶兵將弁務各恪遵號令奮勇圖功毋再玩誤致蹈重罪懷之○諭軍機大臣等據烏蘭泰遵查鎮將不和情形又據陳連日獲勝後因該賊自請治罪各一摺及另片所陳各情形並將獨龍山形勢繪圖呈覽披閱均悉此次進兵獨龍山南連獲勝仗賊眾轟斃潰散下山僅贖七賊復上山梁直撲威甯大營該營官兵計有千人何以不敢出營抵禦反全行奔潰致有挫折實出情理之外著奏尚阿即查明該營弁兵究係何人首先奔潰按律懲辦以肅軍令威甯鎮總兵重輪是否實係因病並未在營抑係有心規避確查具奏再向榮所帶湖南弁兵初到粵時頗覺勇往是否因向繼雄濫得保舉因而解體抑係該弁兵等恃勝驕悍不聽號令既不得力即語營亦恐誤事見在湖南防堵緊要亦須兵力著奏尚阿到營察看是否可以裁撤或令仍回本省防堵向榮籍隸四川見調四川兵有四千餘名或即著撥數千交向榮管帶似此量為轉移可資得力其威甯鎮潰散之兵甚不足恃應如何安插裁撤之處亦著酌量辦理烏蘭泰所論裁實保舉一節頗有所見見在周天

爵業經來京軍營賞罰事權歸一詞後保舉參劾想賽尚阿必能權衡切實大協整肅豈可無溫也至烏爾泰覆奏查明軍營王
不和緣由及湖南副將博春和春不能稟請追賊及等語咨明該大臣著與前此疊降諭旨飭令查覈功過
各件一併確查據實具奏將此由五百里諭知賽尚阿並諭令烏爾泰知之○丁卯雲貴總督吳文鎔奏報到任日期得旨汝之有
謀有猷濟之以張亮基能持能斷則滇省之吏治民風日可漸臻淳樸朕將拭目待之此旨與張亮基同看○戊辰諭內閣呂恆安
徐宗幹奏臺灣澎湖地方偶遇風災委員督賑款辦理一摺據稱澎湖廳上年晚收歉薄本年三月復猝被風霾以致雜糧枯萎
民情倍形拮据業經該鎮道會商入進庫提銀一千兩又撥銀三千兩委員解往該廳查明分別撫恤仍著察看情形或應加賑或
應緩徵錢糧即行據實具奏並詳明該督撫嚴實辦理以副朕軫念災區至意○庚午諭軍機大臣等奇諭欽差大臣大學士賽尚
阿據鄂鳴鶴奏南太各郡賊氛未熄見飭藩司分駐勦辦並添兵防守省城一摺廣西勦匪以韋政洪秀泉等大股為最急而南太
一帶為匪未淨且地方窳遠深恐鞭長莫及轉致蔓延該撫鄂鳴鶴擬請飭派藩司勞崇光分駐南甯太平扼要處並咨商該大臣
選委勇幹將官帶兵會同馳往勦辦諒已酌量調遣矣見在續調各路官兵均可到粵如何分派合擊前已有旨諭令熱籌辦理左
江鎮德亮勦賊是否得力仍著隨時察看據實具奏其各股匪徒除象州會匪外見在尚有幾股每股約計若干人及賊首姓名均
著查明開單奏聞該撫所稱林一昌顏品瑤等股及養利州左州龍州等處均有游匪忽聚忽散務當嚴飭分投勦捕迅速撲滅勿
任合成大股其省城防守各屬團練及保護糧餉各事宜據鄂鳴鶴次第籌辦該大臣到粵後擬駐何處及如何通盤籌畫之處諒
有奏報在途矣將此由四百里諭令知之○諭鄂鳴鶴奏南太各郡賊氛未熄請飭藩司分駐勦辦並防守省城情形一摺粵西勦
匪自以象州大股為最要此外游匪如林聚散靡定亦應遣派大員分兵督勦俾不至愈聚愈多據稱勞崇光前駐梧州勦滅首匪
鄧立奇等著有成效著即飭令該藩司移駐南甯太平一帶會督該處在事文武協力勦捕毋令蔓延其梧州一帶仍應派員防剿
著該撫會商賽尚阿妥籌布置至省城防守尤關緊要該紳士龍啟瑞朱琦等辦理團練眾志成城殊堪嘉尚但恐兵力尙形單
薄著即於全州等營酌調兵丁並添雇壯勇協力防守毋稍疏忽另片奏嚴正基深明團練之法見在會同藩臬兩司及候補道周
照徵辦理糧臺候擬定章程即飭嚴正基前往各郡督辦團練籌畫頗合機宜均著照所議辦理將此由四百里諭令知之○辛未
諭內閣戶部奏遵撥銀兩解赴湖北一摺見在湖北辦理過境兵差需用較繁所有部撥江海關稅及江西河南山東監銀共十五
萬兩著各該省迅即按數委員解赴湖北以資支放至兩淮欠解湖北省已酉庚戌兩綱厘費銀兩著兩江總督速飭運司按照奏
定新章先行提解並將節年未解厘費銀兩分別籌解毋再延宕○癸酉諭內閣常大澂奏遵議保甲章程開單呈覽一摺浙江山
海交錯舟居陸處遷徙靡常編查保甲誠為要務據奏見從省城分段守望已臻嚴密村落因地制宜一律互相策應戶口實境更
換隨時抽查以及另行寺觀船戶等處悉行編列更為選舉保長務用端人禁絕賭娼勿滋盜數各條所議尚為周妥惟發令之初

勇於見效若不持以實力久且視為具文全在該大吏認真督率尤須申戒屬員示以勤懲嚴查胥役毋得藉此擾及閭閻使民間
兵知保甲之設所以衛民樂於從事則法可久而不廢自不至陽奉陰違始勤終怠也○甲戌諭內閣徐廣緒葉名琛奏勦辦廣
匪徒三獲勝仗生擒賊首一摺廣西賀縣股匪竄回東境由四會至廣甯高要等縣界經該督等飭令文武員弁勦捕四月二十九
日追至大播墟候補縣丞劉鎮潮州府司獄牟考祥率潮勇攻破賊壘槍斃多名該匪分股突出黃岡協守備鍾慶瑞會同廣甯縣
知縣程兆柱署督標守備薩國亮三面合擊斃賊甚多賊遂分竄開建之雲塘封川之長塘署督標水師營千總盧成揚擊慶協把
總何振標江口汛把總李得祿於五月初九日由漁湧直搗賊巢轟斃七十餘賊鍾慶瑞薩國亮劉鎮牟考祥分帶兵勇於十三日
進剿轟斃一百三十六名生擒二十四名奪獲銅鐵礮三十二位及大旗槍矛多件餘匪潰散其逆首溫大貨五一名復經前任肇
慶府知府蔡振武懸賞購緝督同各員弁於十四日在廣甯之梅子尖擊獲解省審辦此時肇慶一帶漸就廓清夥匪曾亞温等勢
已窮蹙不難悉數殄滅著該督等督飭文武盡力搜捕勿任竄逸所有出力員弁著查明確實分別保奏○諭軍機大臣等據徐廣
緒等奏勦辦廣甯匪徒連獲勝仗並追勦東省各股零匪及覆查廣西大股會匪情形又奏參升任總兵託故遷延各一摺已分別
明降諭旨將趙如勝以都司降補交襄尚阿差委並諭令徐廣緒等督飭文武嚴密堵剿矣該大臣已抵軍營所有該處賊股地勢
情形自必全局在胸妥為布置象州大股逆匪固應厚集兵力合併圍剿其南甯太平一帶各股零匪紛如蟻集勢甚猖獗亦應多
派弁兵併力堵除前據鄒鳴鶴奏請飭藩司勞崇光分駐該處並咨商該大臣遵委將官會同勦辦諒已酌量調遣降補都司趙如
勝前在廣東勦捕尚屬得力見交該大臣差委著即酌量調撥或飭赴南甯太平一帶與高廉接壤扼要處所隨同勦賊察其能否
感奮據實具奏賊首劉八及凌十八兩股並何名科一股雖經廣東文武疊次擒剿而渠魁總未就獲餘黨仍復分竄若不急合東
西兩省兵力四面兜捕滋蔓伊于胡底著該大臣隨時知照徐廣緒等嚴飭高廉一帶文武不分畛域與廣西派出之文武員弁兩
路夾擊以期及早撲滅淨絕根株其賊首溫大貨五一名已據廣東擊獲解省審辦惟夥匪曾亞温等黨與尚多已諭令徐廣緒等
嚴密按捕西省文武亦應一體堵緝勿令竄逸是為至要將此由四百里諭令知之○諭徐廣緒馳奏勦辦廣甯匪徒生擒要匪連
獲勝仗各情逆匪溫大貨五業經擒獲其夥匪曾亞温尚有數百之眾難保不因首匪就擒鋌而走險至劉八凌十八及何名科各
股賊犯雖獲屢次追擊而逆首尚未擒獲勦辦不容鬆懈見在周天爵已飭令來京寶尚阿等業已馳抵軍營事權歸一該督兼轄
兩省尤當不分畛域合力兜擊庶可速圖蕩事以副朕望至所奏蔡振武擊獲逆匪溫大貨五一名著即查明據實保奏將此由四
百里諭令知之○乙亥寶尚阿奏於靈川縣途次據向榮杏報逆匪屯集中坪仁義等村探得有調百丈等處賊匪助戰之信即
令候補鎮李伏等帶兵千七百名委員許炳東等帶勇於五月十三日渡河攻勦善參將成安於上流河口攻賊之伏先行開仗各
兵壯依次涉水而進該匪即從嶺後擁出官兵奮勇接戰自辰至午斃賊百數十名李伏當先搶上山梁又斃匪數十人復有賊十

數股擁來把總熊士貴手刃數賊入賊隊登時陣亡李伏撤過小河該匪亦即折回賊巢水田環繞小河阻滯進退不易督領官兵嚴加防堵知府陳瑞芝帶潮勇千名趕到探賊欲逃竄飛咨烏蘭泰及各鎮嚴密堵截二十六日寅刻匪隊四五千入擁至古磨黃岱嶺上屯聚即令陳瑞芝等伏於下官村後未入流謝繼超督投誠壯勇數百首先誘敵賊攔攔而來壯勇誘至伏所陳瑞芝等督潮勇擁出施放排槍先鋒騎馬賊三人立時槍斃餘匪驚潰追至小河口該匪已涉水奔回古磨嶺生分三股一奔架村一伏寺葉村一趨苦瓜嶺欲鈔攻官兵營盤餘匪占嶺上助勢向榮即將楚粵兵勇分五路齊進潮勇仁勇由猛山脚進擊匪股二千餘人擁至架村將民房焚燒經捷勇由左邊山脚橫衝攻擊副將和春帶楚兵潮勇仁勇搶過架村環攻寺葉村斃賊數千人將偽右軍先鋒方標殲斃其苦瓜嶺一股經避擊龍成林奮力堵剿該匪見中路敗走亦即縮回惟要村一股千餘人鳴甬舞牌由村外衝出望大營而來兵勇併力環攻即時潰敗我兵追至河岸亦鳴金收軍查該逆鹽糧空囤思欲料死衝突經兵勇踊躍用命一日之閒三戰三勝俟大兵雲集似更無難得手仍當加意堵截以絕其奔竄就食之路見經向榮札飭象州武宣桂平平南各文武官兵於水路要隘一體嚴防並禁止往來船隻以防偷渡仍授以機宜俾在事文武併力堵剿其陣亡之湖南鎮守鎮左營把總熊士貴請飭部照例賜卹又奏臣六月初四日抵桂林達洪阿巴清德先後趕到查各省官兵見有受傷受病及怯懦不堪復用者應確查釐剔挑揀裁撤期一兵得一兵之用卽各處練勇招募烏魯首領等處留心區測音詳悉甄察分別妥辦尤當申明紀律嚴定賞罰庶期一律得力至粵西情形除桂林一屬尚稱完善此外各府羣盜如毛冬股土匪多者數千少者數百會匪之兇悍甚於土匪會匪之黨與亦更多於土匪周天爵屢言賊勢窮蹙欲以坐兩粵之而武宣大股由金田而東鄉而廟旺寺村逼近象州諸將領各懷意見屢失機宜自五月以來經烏蘭泰向榮等少挫兇鋒見聞該匪有欲竄回東鄉之說自當一面密訪一面嚴行堵截儻有可乘之機斷不敢一誤再誤總使賊之所到無可掠之鹽糧則匪徒已有困斃之勢再以大兵分股勦捕當可陸續奏功至湖南會匪接應之說沿途密訪實無確據可憑不便遇事張皇轉致別滋事端又奏查林士傳帶兵勇二千名赴賀縣會同肇慶協副將齊清阿勦辦匪徒三月初五日齊清阿在里松接仗官兵先勝追至山脚賊縱火鈔後官兵失利該道在龍津橋駐紮離賀縣百四十里其賀縣壯勇六百名臨打仗時復調回四百名是此役先勝後敗實由林士傳貽誤無疑應請旨卽行革職賀縣知縣甯域辦理防堵尚嚴機宜林士傳平素官聲尚協輿論擬請將該二員留於軍營差遣以觀後效又奏臣抵廣西省城會晤鄒鳴鶴周天爵詢知平樂柳州潯州鬱林太平鎮安四城等處盜匪多經兵勇剿滅擊散或逃東首去而復來散而復聚股數眾多其由金田竄象州之會匪韋政洪秀泉等尙在中坪百丈新寨一帶盤踞先經向榮帶潮南兵在賊之東北界嶺茶營烏蘭泰同奏定三周鳳嶺帶貴州兵在賊之西北羅秀札營候補知府劉繼祖帶領壯勇及張到水勇在賊之西還江茶駐營嚴堵其竄往平樂桂平之路而甯路之大樟西南略之寺村均係要地臣札飭總兵經文岱善右江道張敬修前往寺村舉人韋仁元帶勇前往大樟堵此兩路竄